

TRABALLO FIN DE ESTUDOS GUÍA BÁSICA

O Traballo Fin de Estudos é o último chanzo no proceso de formación e implica a presentación dun traballo no que o alumnado mostre que posúe as competencias asociadas ao Título Superior en Arte Dramática na especialidade correspondente, pero tamén as competencias propias de creadores, investigadores e especialistas en docencia teatral. En consecuencia o alumnado pode presentar tres tipoloxías de traballo: creación, investigación ou educación.

- Especialidade de Dirección escénica e dramaturxia: Elaboración, e posterior presentación e defensa, diante dun tribunal, dun traballo práctico de carácter escénico, coa correspondente memoria, que permita unha demostración empírica de ter adquirido as competencias transversais, xerais e específicas da titulación e do itinerario.
- Especialidade de Escenografía: Elaboración, e posterior presentación e defensa, diante dun tribunal, dun traballo escenográfico, coa correspondente memoria, que permita unha demostración empírica de ter adquirido as competencias transversais, xerais e específicas da titulación e do itinerario.
- Especialidade de Interpretación: Elaboración, e posterior presentación e defensa, diante dun tribunal, dun traballo práctico de carácter escénico, coa correspondente memoria, que permita unha demostración empírica de ter adquirido as competencias transversais, xerais e específicas da titulación e do itinerario.
- Traballos de investigación ou cunha orientación pedagóxica, que se concretarán nunha memoria cunha extensión de 100 folios, e que será presentada e defendida diante dun Tribunal.

O TFE conta cunha Guía Docente, dispoñible na páxina web da Escola, na que constan os criterios de avaliación: presentación do traballo práctico diante do Tribunal en sesión pública, memoria do TFE, e defensa do traballo diante do Tribunal en sesión pública. Igualmente conta cunha *Guía para a elaboración dun TFE cunha orientación investigadora ou pedagóxica* na que se precisarán as posibilidades e vías para a realización da memoria e para a súa presentación e defensa.

Para a presentación do TFE o alumnado deberá ter superadas todas as materias dos catro cursos. Non obstante a Xefatura de Estudos poderá autorizar a matrícula do TFE a alumnado con disciplinas pendentes, sempre que a suma dos créditos asociados non sexa superior a 15.

O alumnado disporá de dúas convocatorias para a presentación e defensa do seu TFE, que se corresponderán coa convocatoria ordinaria e extraordinaria. O alumnado que non poida presentar o TFE nesas dúas convocatorias poderá solicitar o uso das dúas convocatorias no primeiro cuadrimestre do seguinte curso académico.

A avaliación do TFE corresponderá a un Tribunal designado pola dirección da escola a partir da proposta da Xefatura de estudos, que atendera para a súa formulación as propostas do Departamento que corresponda ou da persoa que exerza a tutela do traballo, en función das especificidades do mesmo. O Tribunal estará integrado por un/ha presidente/a, un/ha secretario/a, e un/ha vogal, e preferentemente os seus integrantes serán da especialidade correspondente ao Traballo que se presente. As persoas que exerzan a tutela do TFE non formarán parte do Tribunal, agás no caso excepcional de falta de profesorado.

O desenvolvemento das fases do Traballo de Fin de Estudos realízase en función dos subprocesos que se consideran.

Convocatoria. No mes de setembro.

Inscripción. Nos prazos que se establezan segundo o calendario do centro.

Realización. Unha vez asignados os titores/as a cada traballo, o alumnado procede ao seu desenvolvemento e realización. O/a titor/a é o responsable do seguimento do traballo, no que o profesor e o alumno manterán xuntanzas periódicas para analizar o desenvolvemento do mesmo.

Presentación / Defensa. No mes de xuño e/ou xullo. A presentación e defensa do Traballo de Fin de Estudos terá lugar ao longo de dous días, dos que o primeiro se dedicará á presentación pública do traballo. No segundo día terá lugar a defensa pública do traballo diante do Tribunal. Nese día o/a alumno/a, fará a presentación e defensa da Memoria do TFE

Avaliación. Unha vez realizada a defensa do TFE, o Tribunal emite un acta única elaborada a partir das actas individuais de cada un dos integrantes do tribunal. Coñecida a nota hai un período de revisión e reclamacións.